



Sacrum Nuptiale STRENNI ET NOBILISSIMI VIRI DOMINI
HERMANNI A VVERSEBE, ... Dn. MAVRITII, Hassiae Landgrauj,
&c. Consiliarij & Praefecti Smalcaldensis, SPONSI ... CVM ... VIRGINE
ANNA A BERLEPS ... Iohannis à BERLEPS ... Filia relictæ, Celebratum
Smalcaldiae Kalendis Martijs Anno 1596. CARMINE GRATVLATORIO
HERMANNI KIRCHNERI, Poëtae Coron. Caesarei Profess. Marpurg.
donatum

Smalcaldiae

Kirchner, Hermann


Th 8° 02724 (64)

https://dwb.thulb.uni-jena.de/receive/ufb_cbu_00008203

urn:nbn:de:urmel-cf1967d4-29cc-4532-a955-bb68855540963-00007490-017

Lizenz: <https://creativecommons.org/licenses/by-sa/4.0/>





urn:nbn:de:urmel-cf1967d4-29cc-4532-a955-bb68855540963-00007490-017

Sacrum Nuptiale

STRENNI ET NO-
BILISSIMI VIRI DOMI-

NI HERMANNI A VVERSEBE,
Illustrissimi Principis ac Domini Dn. MAVRITII,
Hassiae Landgravi, &c. Consiliarij & Prae-
fecti Smalcaldensis,

SPONSI LAUDATISSIMI,

C V M

NOBILISSIMA VIRGINE

ANNA A BERLEPS, STRENNI ET

Generosi viri, omniumq; virtutum laude cumulatisimi Domini
Iohannis à BERLEPS, in Bulha & Bodungen, Hassiae Camerarij haereditarij,
nec non Consiliarij intimi, Filia relicta,

Celebratum Smalcaldiae Kalendis Martijs
Anno 1596.

CARMINE GRATVLATORIO


HERMANNI KIRCHNERI,

Poetae Coron. Caesarei Profefs.

Marpurg. donatum.



[M. Schumacher]



urn:nbn:de:urmel-cf1967d4-29cc-4532-a955-bb68855540963-00007490-034

EPI TH A L A M I O N.

 Ri tene pluuias, roseisq; Aurora fenestris
 Clarum redde diem: cælo discedite nubes,
 Et verna viola solesq; redite sereni,
 Aspirate boni Zephyri, decrescite riui,
 Atq; profecturis ad sacra Hymeneia Musis
 Este via faciles, non impredientibus undis.
 Morem cuncta gerunt: mora nulla sit, ite Camæna
 Quà Riedeselius vos iusserit ire patronus:
 Illius ad nutum vestros componite vultus,
 Vester is unus erit, quem suspiciatis, Apollo,
 Hic decus, hic columen vestrum: ocys ite Camæna:
 Obseruate viri gressum: vos ille potentes
 Ad proceres procerumq; domos atq; atria ducet,
 Atria, quæ Nymphis & imagine plena Dearum,
 Plena tot heroum iuuenum capitumq; corona
 Nobilium: magno mensarum plena paratu,
 Plena sacro Charitum dono & genialis amoris,
 Hic ubi WILHELMVS diuinus condidit arcem,
 Fœderis eternam testem, quo recta reuixit
 Religio, pietasq; sua stat reddita luci,

A 2

Connu-

Connubiale epulum, letis solenne choreis,
 VVERSEBE, virtutis patria nitor inclytus, heros
 Instituit, diua Berlepside virgine ducta.
 Hymen IO, IO Hymen IO: cantate Camæna
 Connubiale melos, votoq; cubile beato
 Excipite, & vestris thalamum conspergite fertis.
 Rumpite paulisper, Vulcania turba, labores
 Et posita festam requiem date forcipe: ferri
 Cesset stridor, opusq; silente incude quiescat,
 Musarumq; sacras ne turbes, mallee, voces:
 Iamq; metalliferi flammam purgate camini,
 Cumq; nouis facibus, vestro quas igneus autor
 Quassat Amor Domino, tedam præbete iugalem.
 Cuncta silent & cuncta fauent: Smalcaldia gaudet
 Fœdere, quod virtus & amor coniungit honestus.
 Felix ô nimium felix, qui numine certo
 Auspice crescit amor, vincloq; coheret ahenò,
 Et quem vota, simul cum votis fata gubernant:
 Cedite mortales nexus ac pacta, cubilis
 Presentis sors una Dei cognoscit habetq;
 Arbitrium: supero res est conclusa senatu,
 Dum superum pars ambo sedent utriusq; parentes,
 Perci-

Percipiuntq₃ animo consulta æterna sereno,
 Inq₃ sua florere suos letantur amores
 Posteritate, sibi primis ex unguibus aui
 Ad parilis senii constanter limina cultos,
 Amplexumq₃ suum gaudent in stirpe calere.
 Testor amicitiam, charitumq₃ ligamina, tantus
 Non inter Pyladen & Orestem floruit usus,
 Non studium, non tanta fides, non gratia tanta:
 Est adeò validus, si quis virtute coiuit
 Nodus, & in paribus posuit fundamina fulcris.
 Qualis VVERSEBIDEM BERLEPSIADEM QVE reui-
 Summus amor, studium dum fert utriusq₃ iuventã (xit
 Ingenuam commune, ligatq₃ animos bona Pallas
 Doctrina concorde iugo: non firmior ullus
 Heret amor, studiis quàm qui est communibus ortus:
 Secula labantur: mutantur tempora: nullum,
 Ille situm patitur, vitium neq₃ contrahit ævo:
 Permanet atq₃ gradus vite se servat ad omnes.
 Jam graue militiae bellis heroas agendis
 Pressit onus: permansit amor: non Castora Pollux
 Plus coluit: permansit amor, maiorq₃ refulsit,
 Cum iam quemq₃ suo portu vite aura locasset,

A 3

Certa-

Certarentq^{ue} ambo meritis sibi condere laudes.
 Felix ô nimium felix, qui manat ab istis
 Pectoribus deductus amor, thalamumq^{ue} secundat:
 O genus ô virtus: cedant duo sydera cœli
 Nostris syderibus quæ iungunt fata duobus.
 Vis stirpem inspicere & manifesto lumine ceras
 Lustrare antiquas, & avita stemmata gentis
 Querere? procedent veteres longo ordine patres
 VVERSEBIDES, galeis insignitiq^{ue} tropæis
 Virtutum: videas meritis attingere cœlum,
 Heroas, quis cuncta queat comprehendere versu?
 Non uni monumenta patent spatiosa sat, uni
 Non satis ora decem fuerint pro laude vehendo.
 Vnum, Hermanne, tuum referam quo carmine patrem,
 Vuersebidum decus æternum? depromite Musæ
 Hassiacas tabulas rerumq^{ue}, evoluite fastos.
 Vuersebe noster erat, qui primæ ætatis ab annis
 Principibus studuit, patriæ qui rebus Achillem
 Prestitit: ô patriæ iubar admirabile terra.
 Vuersebe noster erat (Cattum nemora ipsa loquantur)
 Pro domino qui cuncta suo tolerare paratus,
 Vincla pati, mortemq^{ue} pati tristemq^{ue} securim.

Ipsa

Ipsa viri MECHLINA fidem mirata, remouit
 Antiquos Pytheas, & si qui Thesea vincant.
 Sed quid latitiis res has immisceo nostris,
 Quæ veteris retinent momenta aterna doloris,
 Cattigena^q gemunt, quoties iniuria facti
 Incidit, & mentem MECHLINÆ mentio pulsat.
 Illa abeant animo, nec gaudia nubibus abdant:
 Vuersebidis spectata fides & gloria flammet.
 VVERSEBE noster erat (Passanica pacta loquantur)
 Qui tot pro patria, pro relligione labores
 Pertulit: Herculeos sudores Gracia nolit
 Conferre, Augiæ stabulum quid fabula purgas?
 Perspice VVERSEBIDEM raptum per saxa per ignes.
 O genus, ô virtus, en tanti patris imago
 Hermannus superest, quem donis omnibus auxit
 Gratia, quem mellis lactârunt ubere Musæ,
 Suada^q consilio patriæ seruante cacumen
 Instituit, pietas^q regit, virtus^q coronat,
 Euehit altus honos atq; inter culmina ponit
 Aulica, Mauriti^q fauor diuinus obumbrat.
 Non mihi stelliferos inter rutilare pyropos
 Hesperus, aut vnquam similis conspectus Orion.

A 4 Qualis

*Qualis in Hermanno maiestas nobilis ardet,
 Accenditq; iubar patris ex imitamine summum.
 Ipse novos adeò fulgores lumina gentis
 Ex illo vetera excipiunt, Orienteq; gaudent
 Sydere: Quid sydus loquor unum? bina refulgent
 Lumina, ceu gemini niteant super aethere soles:
 Nec minor à diua radius Berlepside claret.
 O genus, ô virtus, tanto dignissima Nympha
 Coniuge, quàm generis praelustri stemmate luces?
 Ecquis tot Sitichos tot Ericos, priscâq; stirpis
 Nomina commemoret, quis facta illustria pandat?
 Iliadem meruere nouam vatemq; Maronem.
 Non opis hîc nostræ est per auitas scandere laudes:
 Sufficiat nobis patrem appellare Iohannem.
 O decus, ô nomen, gemit ipso nomine tellus
 Audito, patria & lacrymis deposcit ademptum
 Præsidium: similem quæ secula Nestora reddent?
 Æneam legimus Phrygibus Mentem esse vocatum
 Qui tot consilio tot bello facta peregit:
 Dixeris hunc Mentem montemq; fuisse vel ipso,
 Omnibus intactus ventis qui fertur, Olympo
 Maiorem, & nullo victum discrimine pectus:*

Dixeris

5

Dixervis heroum priscorum exemplar apertum:
 Pannonis ora viri virtutem vidit in armis:
 Gallia mirata est, hostisq^{ue} refugit Jberus.
 Non erat in trepidis constantior anchora rebus,
 Consilium nullum felicius: omnibus unum,
 Ornârat natura bonis: ô filia tanto
 Digna satu: tanto dignissima coniuge Nympha:
 Hymen iò, iò hymen iò: quid fata paratis,
 Quid struitis, iuncto tantorum sanguine patrum?
 Nempe aliquis (Lucina faue) prodibit in auras
 Surculus, heroum qui se virtute potentum,
 Afferet, & generis vires utriusq^{ue} refundet,
 Indole Vuersebidum, Berlepsidos indole præstans.
 Hymen iò iò hymen iò, complaudite stirpes
 Cognatæ, sociiq^{ue} lares, Berlepsica gaude
 Natio: Esenbachii semper florete penates,
 Præsentemq^{ue} thorum vestro complete favore:
 Dannaumq^{ue} genus coniunctos percipe honores:
 Hassica nobilitas, quanta es, latare cubili
 Nobili, & in generis tantissem concipe votum,
 Hymen iò iò hymen iò, concordia lectum
 Muniat, & stabili pacem molimine firmet:

Stent

*Stent circum Charites fœcundaq̃ copia rerum,
Exultet, superùmq̃ fluat benedictio cœlo:
Inclyta progenies generosi more racemi
Surgat, & æterna serie se fundat in ævum.*



EXCVSVM SMALCALDIÆ,
M. D. XCVI.

